



Broj: 05-25-14613-8/17

Datum: 27.11.2017.godine,

Na osnovu člana 60. Zakona o organizaciji organa uprave u Federaciji BiH ("Službene novine Federacije BiH", broj: 35/05), člana 70. i 89. Zakona o javnim nabavkama BiH ("Službeni glasnik BiH", broj: 39/14) i prijedloga Komisije za javnu nabavku radova broj: 05-25-14613-6/17 od 17.11.2017.godine, ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi

O D L U K U

o izboru najpovoljnijeg ponuđača za nabavku radova- „Snabdijevanje vodom naselja MZ „Lug-Brankovići“ i MZ „Donja Ozimica“, III faza“ općina Žepče,

I

Prihvata se Prijedlog Komisije za javnu nabavku radova iz Zapisnika o ocjeni ponuda broj: 05-25-14613-6/17 od 17.11.2017.godine i dodjeljuje se ugovor za nabavku radova „Snabdijevanje vodom naselja MZ „Lug-Brankovići“ i MZ „Donja Ozimica“, III faza“, općina Žepče, dodjeljuje se ponuđaču „**ŠPIC BETON“ d.o.o. Zenica** sa ponudnom ukupnom cijenom od **42.692,00 KM** bez uračunatog PDV-a, kao najbolje ocijenjenom ponuđaču.

II

Ponuđač iz tačke I. ove Odluke, dužan je u roku od 3 dana od dana prijema Odluke dostaviti originalne ili ovjerene kopije dokumentacije (ne može biti starija od 3 mjeseca računajući od momenta predaje ponude) navedene u tački 2.3.1. tenderske dokumentacije i to:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učesća u kriminalnoj organizaciji, za korupciju, prevaru ili pranje novca;
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, osim u slučaju postojanja važeće odluke o potvrdi stečajnog plana, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenje nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje ;
- d) uvjerenje nadležnih institucija da je ponuđač izmirio dospjele obaveze u vezi s plaćanjem direktnih i indirektnih poreza.

III

Po okončanju roka za žalbu, Ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku.

IV

Ova odluka objavit će se na web-stranici Zeničko-dobojskog kantona – www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e:

Ugovorni organ-Ministarstvo za poljoprivredu, šumarstvo i vodoprivredu Zeničko-dobojskog kantona je Odlukom broj: 05-25-14613/17 od 26.10.2017.godine pokrenulo konkurentski postupak za javnu nabavku radova „Snabdijevanje vodom naselja MZ „Lug-Brankovići“ i MZ „Donja Ozimica“, III faza“, općina Žepče, te je i obavještenje o nabavci objavljeno na Portalu javnih nabavki pod brojem: 1422-1-3-3-3/17. Procijenjena vrijednost predmetne javne nabavke je 42.700,00 bez PDV-a.

U ostavljenom roku, na adresu Ugovornog organa za predmetnu nabavku radova blagovremeno je pristiglo 6 ponuda i to ponude ponuđača kako slijedi: 1. „ŠPIC BETON“ d.o.o. Zenica, 2. „DKM GRADNJA“ d.o.o. Maglaj, 3. „GEO PUT“ d.o.o. Maglaj, 4. „TING“ d.o.o. Žepče, 5. GP „HELDOVAC“ d.o.o. Žepče, 6. „TADIĆ-COP“ d.o.o. Žepče, dok drugih ponuda nije bilo.

Komisija za javnu nabavku je sačinila Zapisnik sa otvaranja ponuda i Zapisnik o ocjeni ponuda na osnovu kojih je ugovorni organ konstatovao da je Komisija pravilno izvršila otvaranje ponuda i ocjenu istih, te je iz dostavljenog Zapisnika o ocjeni ponuda utvrđeno da: - ponude ponuđača pod rednim brojem 1. „ŠPIC BETON“ d.o.o. Zenica, 2. „DKM GRADNJA“ d.o.o. Maglaj i 5. GP „HELDOVAC“ d.o.o. Žepče ispunjavaju sve uslove postavljene tenderskom dokumentacijom i da su prihvatljive za ugovorni organ, dok ponude ponuđača pod rednim brojem 3. „GEO PUT“ d.o.o. Maglaj, 4. „TING“ d.o.o. Žepče i 6. „TADIĆ-COP“ d.o.o. Žepče, nisu potpune jer nisu dostavljeni svi dokazi koji bi potvrdili ispunjavanje uslova postavljenih tenderskom dokumentacijom.

Ponuđač pod rednim brojem 3. „GEO PUT“ d.o.o. Maglaj u svojoj ponudi nije dostavio dokaz iz tačke 2.7.b) tenderske dokumentacije i to – kopiju Uvjerenja Federalnog zavoda za PIO/MIO o podacima registrovanim u matičnoj evidenciji, koji dokaz je postavljen kao kvalifikacioni uslov u cilju utvrđivanja potrebnog iskustva na poslovima VSS, diplomiranog inženjera arhitekture ili građevinarstva ili inženjera arhitektonske ili građevinske struke. Kandidovana osoba od strane ponuđača za VSS građevinske struke je prijavljena kod Porezne uprave FBiH od 12.05.2017.godine, a iz ostalih priloženih dokaza uz ponudu za kandidovanu osobu nije bilo moguće dokazati traženo radno iskustvo (3 odnosno 5 godina) utvrđeno kao uslov u tački 2.7.b) tenderske dokumentacije.

Ponuđač pod rednim brojem 5. „TING“ d.o.o. Žepče u svojoj ponudi nije dostavio dokaz iz tačke 2.7.b) tenderske dokumentacije i to – kopiju Uvjerenja Federalnog zavoda za PIO/MIO o podacima registrovanim u matičnoj evidenciji, koji dokaz je postavljen kao kvalifikacioni uslov u cilju utvrđivanja potrebnog iskustva na poslovima VSS, diplomiranog inženjera arhitekture ili građevinarstva ili inženjera arhitektonske ili građevinske struke. Kandidovana osoba od strane ponuđača za VSS građevinske struke je prijavljena kod Porezne uprave FBiH od 31.08.2017.godine, a iz ostalih priloženih dokaza uz ponudu za kandidovanu osobu nije bilo moguće dokazati traženo radno iskustvo (3 odnosno 5 godina) utvrđeno kao uslov u tački 2.7.b) tenderske dokumentacije.

Ponuđač pod rednim brojem 6. „TADIĆ-COP“ d.o.o. Žepče u svojoj ponudi nije dostavio dokaze iz tačke 2.7.b) Tenderske dokumentacije i to – kopiju uvjerenja o položenom stručnom ispitu, kopiju Uvjerenja Federalnog zavoda za PIO/MIO o podacima registrovanim u matičnoj evidenciji, zatim dokaze iz tačke 2.5.b) tenderske dokumentacije – potvrda banke o aktivnom računu, tačke 2.5.c) – kopija bilansa stanja i bilansa uspjeha za dvije godine i tačke 2.7. b) – kopija uvjerenja o položenom stručnom ispitu za diplomiranog inženjera arhitekture ili građevinarstva odnosno inženjera građevinske ili arhitektonske struke.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda u skladu sa kriterijem: „najniža cijena“. Kako je jedini kriterij za odabir najpovoljnije ponude u predmetnom postupku javne nabavke „najniža cijena“, po kojem kriteriju je ponuda ponuđača „ŠPIC BETON“ d.o.o. Zenica za izvođenje radova- „Snabdijevanje vodom naselja MZ „Lug-Brankovići“ i MZ „Donja Ozimica“, III faza“, općina Žepče, sa ponudnom cijenom od 42.692,00 KM bez uračunatog PDV-a najbolje ocijenjena, a u skladu sa odredbama člana 70. i 89. Zakona o javnim nabavkama BiH, odlučeno je kao u tački 1. ove odluke.

Pouka o pravnom lijeku:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi BiH, a putem ugovornog organa u pisanoj formi direktno, u elektronskoj formi ili preporučenom pošiljkom. Žalba se podnosi u najmanje 3 (tri) primjerka.

Dostavljeno:

1 x Ponuđači;

1 x Tenderska dokumentacija.



BOSNA I HERCEGOVINA, Zenica, Kutuković pr. 2

Telefon/Fax: 032/460 750; 460 751; Fax: 460 753; e-mail: mm.podoprivreda@zdk.ba